

Les plus anciens documents linguistiques de la France

Corpus : (chPoit)

Responsable du corpus : -

Édition de la charte : -

chPoit239

Édition critique

1284, 16 novembre.

Type de document: Charte: vente

Objet: Oliver de La Haye, valet, et Aliz, sa femme, vendent à Adam, vicomte de Melun, tous ce qu'ils tiennent de lui à hommage lige dans la châteltenie de Montreuil-Bellay pour le prix de soixante-cinq livres.

Support: Une déchirure au bas de la charte a ôté toute trace d'un sceau.

Lieu de conservation: Archives Départementales de Maine-et-Loire, E, 855. — Baronnie de Montreuil-Bellay.

Transcription de la charte

1 Sachent tuit presenz e à venir **2** *que* en la cort lo rei de France à
 Lodun *par* davant nous en \2 *droit personement* estaibiliz, **3** Oliver
 de la Haye valeit e Aliz sa fame recongneurent *que* il ont \3 vendu e
 otreyé e neys vendirent davant nous e otreyerent à toz jorz mes p
erpetue\4*ment* e heriteement por aus e por leurs heirs **4** à noble
 home à mon seignour Adam vi\5conte de Meleun e à ses heirs e à ses
 successors e à ceaus qui ont e avront cause de \6 ous, **5** totes les
 choses *que* les diz Oliver e sa fame aveient e poeient avoir e deveient,
 \7 *por* quecunque reison *que* ce soit, au terroer de la Couture de la
 Herce assis en la chastelenie \8 de Montereau; **6** ce est à ssaveir en
 blé, en vin, en terrages, en chapons e en autres \9 choses *que*
 cunques alles soient, **7** sanz ce *que* les diz vendeors ne leurs heirs ne
 autres \10 *por* reison de ous i puissent ja mes riens demander ne
 avoir *por* nulle reison. **8** E les *que*\11les choses les diz vendeors
 teneient e aveient do dit viconte à homenage lige, \12 e ne demorra
 pas *par* ce *que* le dit Oliver ne seit home lige au dit viconte *por*
 autres \13 choses qui li remeignent; **9** les quel homenage il li sera
 tenuz à feire ausi come *par* da\14vant. **10** E promistrent ensurquetot
 les diz vendeors *par* lour foi e[n] nostre meyn do\15nee e sus l'
 obligation de toz leurs biens, moibles e non moibles presenz e à
 ve\16nir, garentir e deffendre au dit viconte e à ses heirs segunt la
 coustume do pa\17ïs. **11** E promistrent ensurquetot *par* lour foi e sus
 l'obligement de leurs biens desus diz \18 *que* il ne vendront ja mes,
 ne ne feront venir *por* ous ne *por* autres contre ceite ven\19çun ne
 contre la tenour de ceites leitres *por* reison de heritaige, de
 succession, de \20 *propriété*, de possession, de doeire, de don *por*
 nocces ne *por* autre reison ne *por* autre \21 cause. **12** E abrenun
 cierent, quant à ce, à tote excepcion de barait, de decepcion \22 e en

fait e à tot ayde e benefice de dreit escrit e non escrit, à tot privilege de \23 croez e à tot autre privilege doné e à doner, à tot estaiblissement de prince fait e \24 à feire e à totes reisons e excepcions de dreit e de fait qui porreient estre di\25tes *contre* ceites leitres. **13** E tot ce vendirent les *persoines* desus dites, si come il est dit de\26sus, por le preiz de sexante e cinc livres de torneis des queus les diz vendeors se tindrent \27 davant nous bien por paieiz en deners nombrez. **14** E abrenuncierent à excepcion de deners \28 non nombrez e non renduz. **15** E nous iceous vendeors davant nous presenz e consentanz de ce te\29nir e garder, sanz ja mes venir en *contre*, avom condampnez e jugez par le jugement de la cort le \30 rei. **16** Ce fut fait e doné à Lodun le joudi après la feste de saint Martin de yver, e saellé \31 do seau lo rei do quel l'en use à Lodun à la requeste des diz vendeors, **17** l'an de grace mil dous \32 cenx quatre vinz e quatre.